

Daim Chart Qhia Txog Cov Tsev Kawm Ntawv Theem Nrab

Tsoom Fwv Tsev Kawm Ntawv Nroog Xees Phos muaj cov kev kawm nyuaj thiab cov khoos kas uas txhawb tub ntxhais kawm ntawv zoo heev nyob rau hauv tsev kawm ntawv theem nrab kom yooj yim rau lawv hla txoj kev kawm thaum yau mus txog thaum pib ua neeg laus. Xaiv ib lub tsev kawm ntawv los sis khoos kas magnet (txais thoob plaws nroog) uas muaj nyob rau hauv nej cheeb tsam, thiaj li tau npav caij.

Cov Tsev Kawm Ntawv Hauv Cheeb Tsam Zej Zos

Cov tsev kawm ntawv hauv cheeb tsam zej zos muaj kev kawm zoo nyob ze tsev. Tej zaud cov tsev kawm ntawv nov kuj muaj kev kawm thiab khoos kas lwm yam ntxiv.

Tej yam hauv nov yuav hloov thaum twg los muaj	Rau Cheeb Tsam No	Sij Hawm Pib/Sij Hawm Xaus	Khoos Kas Flipside	Khoos Kas Kawm Lus Askiv*	Ntawv Txum Tim/Ntiaj Teb
Parkway Montessori and Community Middle School (6-8) spps.org/parkway 651-744-1000	A	7:30 a.m. 2 p.m.	•		Fab Kis, Mev
Battle Creek Middle (6-8) spps.org/bcms 651-293-8960	B	7:30 a.m. 2 p.m.	•	•	Hmoob
Washington Technology (6-12) spps.org/washington 651-293-8830	C	7:30 a.m. 3 p.m.	•	•	Fab Kis, Hmoob, Suav, Mev
Humboldt High School (6-12) spps.org/humboldt 651-293-8600	D	7:30 a.m. 2 p.m.		•	Fab Kis, Mev
Murray Middle (6-8) spps.org/murray 651-293-8740	E	7:30 a.m. 2 p.m.	•	•	Fab Kis, Mev
Ramsey Middle (6-8) spps.org/ramsey 651-293-8860	F1	7:30 a.m. 2 p.m.	•		Fab Kis, Mev
Highland Park Middle (6-8) spps.org/highlandms 651-293-8950	F2	7:30 a.m. 2 p.m.	•		Fab Kis, Suav, Mev

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.

Cov Tsev Kawm Ntawv Uas Txais Tub Ntxhais Hauv Ob Peb Cheeb Tsam Ua Ke (Regional) thiab Cov Tsev Kawm Ntawv Uas Txais Tub Ntxhais Thoob Lub Nroog No (Magnet)

Cov tsev kawm ntawv Magnet muaj kawm nyem ntawv, leb thiab keeb txuj xyaw rau cov cag txuj tshwj xeeb. Feem ntau cov khoos kas no muaj txij li qib K mus txog 12.

Tej yam hauv nov yuav hloov thaum twg los muaj	Rau Cheeb Tsam No	Sij Hawm Pib/Sij Hawm Xaus	Khoos Kas Flipside	Khoos Kas Kawm Lus Askiv*	Ntawv Txum Tim/Ntiaj Teb
Ya Nruab Ntug/Tsim Txua (Aerospace/Engineering)					
Qhia tshwj xeeb txog kev ya saum nruab ntug (aerospace) thiab kev tsim txua (engineering). Tej yam yuav tsum muaj thiaj kawm tau: Yuav tsum muaj kev txaus siab kawm txog kev ya saum nruab ntug thiab kev tsim txua heev.					
Farnsworth Aerospace – 5-8 Campus spps.org/farnsworth 651-293-8880	A-F1/F2	9:30 a.m. 4 p.m.	•		
Ntawv thiab Kev Lis Kev Cai Asmesliskas Indian					
Qhia txog cov neeg Asmeslikas Indian lub hauv paus liv xwm, kev lis kev cai, kos duab, keeb kwm thiab tej yam tseem ceeb rau lawv haiv neeg. Tej yam yuav tsum muaj thiaj kawm tau: Yuav tsum muaj kev txaus siab rau cov neeg Asmeslikas Indian cov kev lis kev cai.					
American Indian Magnet (PreK-8) spps.org/aims 651-778-3100	A-F1/F2	9:30 a.m. 4 p.m.	•		Lakota/Dakota, Ojibwe
BioSMART					
Kawm cov khoos kas bioscience xyaw technology rau txhua yam kev kawm. Tej yam yuav tsum muaj thiaj kawm tau: tsis tas muaj dab tsi.					
Washington Technology (6-12) spps.org/washington 651-293-8830	A-F1/F2	7:30 a.m. 3 p.m.	•	•	Fab Kis, Hmoob, Suav, Mev

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.

Cov Tsev Kawm Ntawv Uas Txais Tub Ntxhais Hauv Ob Peb Cheeb Tsam Ua Ke (Regional) thiab Cov Tsev Kawm Ntawv Uas Txais Tub Ntxhais Thoob Lub Nroog No (Magnet)

Tej yam hauv nov yuav hloov thaum twg los muaj	Rau Cheeb Tsam No	Sij Hawm Pib/Sij Hawm Xaus	Khoos Kas Flipside	Khoos Kas Kawm Lus Askiv*	Ntawv Txum Tim/Ntiaj Teb
Capitol Hill Gifted & Talented Ib qhov khoos kas kawm ntawv rau cov tub ntxhais kawm ntawv uas pom tias kawm tau ntawv zoo. Tej yam yuav tsum muaj thiaj kawm tau: Tsis tas muaj dab tsi.					
Capitol Hill Gifted & Talented (1-8) spps.org/capitolhill 651-325-2500	A-F1/F2	8:30 a.m. 3 p.m.			Fab Kis, Mev
Environmental Science Qhia tshwj xeeb rau kev kawm txog ib puag ncig, ntau zaus yuav tawm hauv chav mus kawm rau sab nraud. Tej yam yuav tsum muaj thiaj kawm tau: Tsis tas muaj dab tsi.					
Humboldt High School (6-12) spps.org/humboldt 651-293-8600	A-F1/F2	7:30 a.m. 2 p.m.		•	Fab Kis, Mev
Expeditionary Learning Kawm raws li tes num uas yus npaj thiab nqis tes ua kiag. Tej yam yuav tsum muaj thiaj kawm tau: Tsis tas muaj dab tsi.					
Open World Learning Community (6-12) spps.org/open 651-293-8670	A-F1/F2	7:30 a.m. 2 p.m.			Mev
French Immersion Cov tub ntxhais yuav kawm txuj los ntawm kev siv lus Fab Kis qhia kom lawv txawj nyeem, sau thiab hais tau lus Fab Kis thiab paub Fab Kis tej kev lis kev cai. Tej yam yuav tsum muaj thiaj kawm tau: Yuav tsum kawm ob xyoos ntawv uas qhia ua lus Fab Kis. Yuav tau xeeb seb puas paub lus Fab Kis zoo.					
Ramsey Middle (6-8) spps.org/ramsey 651-293-8860	A-F1/F2	7:30 a.m. 2 p.m.	•		Fab Kis, Mev
Ntawv thiab Kev Lis Kev Cai Hmoob Kawm qhov khoos kas Ntawv Hmoob Ob Hom Lus txuas zias hauv Phalen thiab Jackson Elementary los mus; kawm ntawv, liv xwm thiab kev lis kev cai ua ke. Tej yam yuav tsum muaj thiaj kawm tau: Xub muab rau cov tub ntxhais kawm ntawv uas kawm ntawv Hmoob/Askiv Ob Hom Lus Sib Xyaw ua ntej. Kawm Ntawv Hmoob thiab Kev Lis Kev Cai (qib 6-10). Yuav tau xeeb seb puas paub lus Hmoob zoo.					
Battle Creek Middle (6-8) spps.org/bcms 651-293-8960	A, B, C (sab hnuv tuaj ntawm kev 35E)	7:30 a.m. 2 p.m.	•	•	Hmong, Mev
Washington Technology (6-12) spps.org/washington 651-293-8830	C (sab hnuv poob ntawm kev 35E), E, F1/F2	7:30 a.m. 3 p.m.	•	•	Fab Kis, Hmoob, Suav, Mev
International Baccalaureate (IB) Ib tug khoos kas raws cai uas qhia ntawv ceev rau cov tub ntxhais kawm ntawv kom lawv dhau tau los ua ib co pej xeeb nquag. Tej yam yuav tsum muaj thiaj kawm tau: Tsis tas muaj dab tsi. Qhov khoos kas nrab xyoo Middle Years rau qib 6-8 uas teeb mus raws li cov nrab xyoo (MYP) rau qib 9-10 thiab cov khoos kas International Baccalaureate Diploma hauv tsev kawm ntawv theem siab.					
Hazel Park Preparatory Academy (PreK-8) Authorized IB PYP / IB MYP spps.org/hazelpark 651-293-8970	A, B, C (sab hnuv tuaj ntawm kev 35E)	9:30 a.m. 4 p.m.	•		Mev
Highland Park Middle (6-8) spps.org/highlandms 651-293-8950	D, F2	7:30 a.m. 2 p.m.	•		Fab Kis, Suav, Mev
Ramsey Middle (6-8) spps.org/ramsey 651-293-8860	C (sab hnuv poob ntawm kev 35E), E, F1	7:30 a.m. 2 p.m.	•		Fab Kis, Mev
Mandarin Immersion Qhia ua lus Suav Mandarin kom tub ntxhais kawm ntawv txawj nyeem, sau thiab txawj hais lus Suav thiab paub kev lis kev cai Suav. Tej yam yuav tsum muaj thiaj kawm tau: Kawm ob xyoos ntawv uas ua lus Suav Mandarin qhia. Yuav tau xeeb seb txawj lus Suav Mandarin li cas.					
Highland Park Middle (6-8) spps.org/highlandms 651-293-8950	A-F1/F2	7:30 a.m. 2 p.m.	•		Fab Kis, Suav, Mev

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.

Cov Tsev Kawm Ntawv Uas Txais Tub Ntxhais Hauv Ob Peb Cheeb Tsam Ua Ke (Regional) thiab Cov Tsev Kawm Ntawv Uas Txais Tub Ntxhais Thoob Lub Nroog No (Magnet)

Tej yam hauv nov yuav hloov thaum twg los muaj	Rau Cheeb Tsam No	Sij Hawm Pib/Sij Hawm Xaus	Khoos Kas Flipside	Khoos Kas Kawm Lus Askiv*	Ntawv Txum Tim/Ntiaj Teb
Montessori Qhia kom txhua txhia tus tub ntxhais kawm ntawv paub lawv tus peev xwm, qhov yuav tsum tau kev pab, qhov nws nyiam thiab tus qauv kawm los ntawm Montessori lub tswv yim. Tej yam yuav tsum muaj thiaj kawm tau: Tsis tas muaj dab tsi.					
Parkway Montessori and Community Middle School (6-8) spps.org/parkway 651-744-1000	A-F1/F2	7:30 a.m. 2 p.m.	•		Fab Kis, Mev
Spanish Immersion Qhia ua lus Mev kom cov tub ntxhais kawm ntawv txawj nyeem, sau thiab txawj hais lus Mev thiab paub haiv neeg Mev tej kev lis kev cai. Tej yam yuav tsum muaj thiaj kawm tau: Kawm ob xyoos ntawv uas ua lus Mev qhia. Muaj xeeb seb paub lus Mev npaum li cas.					
Highland Park Middle (6-8) highlandms.spps.org 651-293-8950	A-F1/F2	7:30 a.m. 2 p.m.	•		Fab Kis, Suav, Mev
Kos Duab thiab Ua Yeeb Yam Muab kev tsim tej yam zoo nkauj thiab ua yeeb yam los kawm xyaw kev kawm ntawv kom cov tub ntxhais kawm ntawv muaj xuas tes ua thiab muaj tswv yim ua ub no rau hauv tsev kawm ntawv. Tej yam yuav tsum muaj thiaj kawm tau: Yuav tsum muaj kev txaus siab heev rau los sis kam kawm tej ntawv thiab qhia tej yus xav tawm rau hauv kev kos duab thiab ua yeeb yam.					
Linwood Monroe Arts Plus – Upper Campus (5-8) spps.org/lmap 651-293-6606	D, F1/F2	9:30 a.m. 4 p.m.	•	•	Mev
Creative Arts Secondary (6-12) spps.org/creativearts 651-292-3480	A-F1/F2	7:30 a.m. 2 p.m.			Mev

* Language Academy yog ib qho khoos kas rau cov Kawm Ntawv Askiv (ELL). Saib rau hauv phab 14 kom paub ntau ntxiv.

Youth Camps & Classes





COMMUNITY EDUCATION
Saint Paul Public Schools



Babysitter & Lifeguard Training
 Chess | Dance & Gymnastics
 Driver Education | Music Lessons
 Studio Arts | STEM Programs
 Theater | World Languages

...and more for all kids PreK to Teen!



For more information & to register,
 call 651-487-7383 or visit
commed.spps.org





Qhia Txog Cov Tsev Kawm Ntawv Theem Nrab

Cov tsev kawm ntawv theem nrab feem ntau muaj nyob rau hauv cheeb tsam A-F1/F2. Thov ua zoo saib kom lub tsev kawm ntawv uas nej xaiv yog ib lub hauv cheeb tsam zej zos los sis ib lub uas muaj khoos kas tshwj xeeb rau nej Cheeb Tsam.

American Indian Magnet (PreK-8)

1075 E. Third St. | spps.org/aims | 651-778-3100

Peb lub tsev kawm ntawv yog tsim los ntawm cov txwj laus neeg thiab neeg zej zos lub zeem muag. Lawv lub hom phiaj yog qhia kom muaj kev to taub txog haiv neeg Qhab Asmesliskas thiab tos txais txhua hom tub ntxhais kawm ntawv kom muaj tub ntxhais kawm ntawv ntau haiv neeg tuaj kawm ua ke hauv tsev kawm ntawv. Peb muaj qhia txog keeb kwm ntawm haiv neeg Qhab Asmesliskas, lawv tej kev lis kev cai, txuj ci, tej uas lawv ib txwm ua los thiab tej yam uas muaj nuj nqis rau lawv haiv neeg. Peb muaj cov xib hwb tshwj xeeb uas qhia lus Lakota thiab Ojibwe thiab kev lis kev cai, nrog rau kev qhia siv lub cev kom noj qab nyob zoo thiab kos duab. Cov tub ntxhais kawm ntawv hauv theem nrab (qib 6-8) yuav tsum tau kawm hoob lus Lakota los sis Ojibwe, los npaj lawv rau txoj kev kawm txog Qhab Asmesliskas ntxiv mus nyob rau hauv Harding Senior High. Peb lub tsev kawm ntawv yuav txhawb cov niam txiv thiab zej zos txoj kev koom tes los ntawm cov rooj nthuav qhia txog kev lis kev cai, ntaus Nruas thiab Seev Cev thiab kev sib txoos powwows txhua hli, niam txiv-xib hwb kev kawm, thiab cov puas su tshwj xeeb thawm xyoo. Cov tub ntxhais kawm ntawv yuav tau txais kev pab ntxiv los ntawm AVID, American Indian AVID (tsev kawm ntawv theem nrab), thiab ntau yam kev kawm tom qab lawb ntawv, xws li khoos kas Flipside, Indian Youth Enrichment, Urban 4-H, Extended Day for Learning (EDL) thiab kis las.

Txoj hau kev kawm mus ntxiv: American Indian > Harding				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiaj Teb
A-F1/F2	9:30 a.m. - 4 p.m.	•		Lakota/Dakota, Ojibwe

Battle Creek Middle (6-8)

2121 N. Park Dr. | spps.org/bcms | 651-293-8960

Peb ntseeg tias tsev kawm ntawv theem nrab yog ib theem uas xyiv fab tshaj nyob hauv ib tug me nyuam txoj kev kawm ntawv. Nyob hauv Battle Creek Theem Nrab peb zoo siab tias peb muaj txoj kev kawm nyuaj thiab kom tub ntxhais kawm raws tus qauv kawm ntawv siab. Nyob rau hauv peb lub tsev kawm ntawv, txhua tus tub ntxhais kawm ntawv yuav nyob rau hauv ib pab uas sib ntsib sib tham txog tej uas lawv tau kawm los hauv theem nrab thiab koom dej num tsim txoj kev sib raug zoo. Peb cov tub ntxhais kawm ntawv muaj peev xwm xaiv tau ntau yam kawm xws li kos duab, technology, hu nkauj, kawm ntawv Hmoob, kev noj qab haus huv thiab kawm siv lub cev kom noj qab nyob zoo. Peb kuj muaj kawm qhov khoos kas Flipside thiab. Qhov khoos kas no yog ib qho kawm dawb tom qab lawb ntawv txhawb rau txoj kev kawm ntawv thiab lwm yam kev kawm.

Txoj hau kev kawm mus ntxiv: Battle Creek > Harding				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiaj Teb
B + Magnet Program**	7:30 a.m. - 2 p.m.	•	•	Hmoob

** Saib phab 43-45 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Capitol Hill Gifted and Talented Magnet (1-8)

560 Concordia Ave. | spps.org/capitolhill | 651-325-2500

Nyuam qhuav xyoo tas los no xwb, Capitol Hills raug xaiv los ntawm Minnesota Department of Education los ua ib lub Rewards School rau qhov uas ua tau zoo heev rau lub xeev cov xeem. Peb lub tsev kawm ntawv txhawb kom txhua tus tub ntxhais kawm ntawv sib zog kawm tej yam nyuaj raws li lawv tus zog, kev txaus siab thiab nyiam kawm kom lawv txawj tshaj qhov qub. Cov tub ntxhais muaj peev xwm kawm tau cov khoos kas suab paj nruas, xws li ntaus twj paj nruas, hu nkauj, ntaus paj nruas ua ke thiab ntaus Suzuki. Peb muaj kawm txog kev sib raug zoo thiab kev xav ntawm lub siab los ntawm tsib yam nov: kev paub txog tus kheej, kev txawj txiav txim siab, txawj tsim kev phooj ywg thiab paub txog kev sib raug zoo nrog lwm tus. Lwm yam kev kawm uas peb muaj thaum kawm ntawv los sis tom qab lawb ntawv yog muaj xws li, Model UN, Hnub Liv Xwm, Nquam Toj Keeb Txuj, geography bee, sib cam tswv yim, Word Masters thiab ntau yam ntxiv. Cov xib hwb txawj qhia uas ua rau kev kawm keeb txuj, txuj tsim duab, yeeb yam, kawm siv lub cev kom noj qab nyob zoo thiab paj nruas lom zem kawg nyob rau hauv Capitol Hills. Txoj kev sib tw hauv zos, hauv xeev thiab thoob teb chaws yog ib qho txhawb kom peb cov tub ntxhais kawm tau ntawv zoo. Kev txais mus kawm rau qib 1-5 yog txais raws tus me nyuam txoj kev txawj ntse ntawm nws cov ntawv xeev hauv qib K thiab qib 2. Qib 6 txog 8 tsis muaj qhov xeev mus nkag.

Txoj hau kev kawm mus ntxiv: Capitol Hill > Highland Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiaj Teb
A-F1/F2	8:30 a.m. - 3 p.m.			Fab Kis, Mev

Creative Arts Secondary (6-12)

65 Kellogg Blvd. | spps.org/creativearts | 651-292-3480

Creative Arts cov tub ntxhais kawm ntawv yuav vam meej los ntawm ib lub tsev kawm ntawv uas muaj txhua txhia yam thiab kev txhawb nqa. Peb qhov khoos kas hauv theem nraub yuav pab cov tub ntxhais kawm ntawv tshawb thiab kawm txog txuj kos duab ntxiv kom lawv npaj txhij rau txoj kev nthuav qhia txog lawv txoj kev kawm hauv qib 8. Peb cov tub ntxhais kawm ntawv hauv theem siab rau siab ntso rau txoj kev cob qhia uas pab kom lawv paub tias lawv yuav mus ua ib tug kws txuj dab tsi los ntawm chav kawm kos duab thiab ua yeeb yaj kiab. Qhov txheej txheem no yuav pib los ntawm txoj kev sim peev xwm qhia seb lawv txawj dab tsi thiab qhia tias lawv nyiam yam txuj twg. Peb mam li pab cov tub ntxhais kawm ntawv npaj hom phiaj rau txoj kev kawm txuj kos duab, ua yeeb yam thiab kawm ntawv kom lawv kawm tiav rau theem siab thiab tom qab kawm tas theem siab lawd.

Thov nco ntsoov: Creative Arts Secondary, qib 9 txog 12, yuav siv cov tshab hauv zos (Metro Transit) thauj tub ntxhais kawm ntawv mus los. Mus saib kom paub ntxiv nyob rau hauv spps.org/creativearts.

Txoj hau kev kawm mus ntxiv: Creative Arts > Creative Arts				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiaj Teb
A-F1/F2	7:30 a.m. - 2 p.m.			Mev

Farnsworth Aerospace – Dual Campus (5-8 Campus - Upper)

PreK-4 Campus: 1290 Arcade St. | 651-293-8675 // 5-8 Campus: 1000 Walsh St. | 651-293-8880 | spps.org/farnsworth

Farnsworth yog ib lub tsev kawm ntawv rau cov tub ntxhais uas yuav los ua peb cov thawj coj yav tom ntej. Peb muaj kev kawm txog ya nruab ntug nyob rau hauv txhua phab ntawm peb cov kev kawm. Peb cov neeg ua hauj lwm yuav rau siab txhawb cov tub ntxhais txoj kev xav thiab kev sim kom paub qhov tseeb. Peb cov tub ntxhais kawm ntawv yuav koom tes ua tej pab pawg los daws cov teeb meem nyuab. Txhua txhia yam teeb meem uas lawv daws tau zoo yuav pab kom lawv muaj kev ruaj siab rau kev daws qhov teeb meem tom ntej. Lwm yam kev kawm thiab kev ua ub no uas peb muaj nyob rau hauv Farnsworth muaj xws li, ntaus suab paj nruag thiab kos duab, kawm tsav dav hlau, thiab mus ncig kawm sab nraud kom nthuav txoj kev nkag siab tob zog txog kev ya nruab ntug. Peb xav kom cov tsev neeg tuaj kawm ua ke rau cov rooj koom txoos xws li Aerospace thiab Engineering Night thiab lwm yam rooj koom txoos. Peb cov tub ntxhais kawm ntawv yuav vam meej los ntawm txoj kev txhawb siab, mob siab thiab rau siab ntso kawm los ua peb cov thawj coj yav tom ntej.

Txoj hau kev kawm mus ntxiv: Farnsworth > Johnson Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiaj Teb
A-F1/F2	9:30 a.m. - 4 p.m.			

Hazel Park Preparatory Academy (PreK-8)

1140 White Bear Ave. | spps.org/hazelpark | 651-293-8970

Nyob rau hauv Hazel Park peb yuav txhawb kom txhua tus tub ntxhais kawm ntawv kawm kom nto plaws lawv tus peev xwm los ntawm kev tshawb kawm tej yam uas tshwm sim rau lub ntiaj teb. Kev uas yog ib lub tsev kawm ntawv rau cov khoos kas xyoo qis International Baccalaureate (IB) Primary Years Programme (PYP) thiab cov khoos kas xyoo nraub Middle Years Programme (MYP), peb yuav qhia kom cov tub ntxhais kawm ntawv pom dav txog lub ntiaj teb. Peb yuav qhia kom cov tub ntxhais kawm ntawv qhib siab kawm tej yam nyuaj los ntawm kev sib tham thiab ua tej pab pawg kawm. Hazel Park muaj kawm ntawv Mev, kos duab, suab paj nruas thiab kawm siv lub cev kom noj qab nyob zoo. Txhua tus tub ntxhais kawm ntawv yuav tau kev txawj los ntawm kev kawm technology, mus kawm sab nraud, qhia tej seem uas ua rau lawv kawm tau thiab txaus siab kawm. Muaj kawm kis las rau cov tub thiab ntxhais tom qab lawv ntawv. Cov xib hwb yuav sib koom tes ua hauj lwm nrog rau cov tsev neeg, vim peb paub hais tias txoj kev sib koom tes yog qhov yuav ua tau ib pab vij txhua tus me nyuam kom muaj kev sib pab thiab txhawb zog. Muaj Hnab Tsoos Zoo Tib Yam.

Txoj hau kev kawm mus ntxiv: Hazel Park > Harding Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiaj Teb
A, B, C (sab hnub tuaj ntawm kev 35E)	9:30 a.m. - 4 p.m.	.		Mev

Middle School Descriptions

Highland Park Middle (6-8)

975 S. Snelling Ave. | spps.org/highlandms | 651-293-8950

Tej pab tub ntxhais kawm ntawv tsawg tsawg thiab cov xib hwb ua rau peb lub tsev kawm ntawv yog ib qhov chaw uas cov tub ntxhais kawm ntawv theem nrab mloog li lawv nyob muaj tswv thiab sib paub zoo. Peb qhov khoos kas WEB (Where Everybody Belongs) tsim kom cov tub ntxhais kawm qib yim zoo li cov thawj thiab pab coj cov kawm qib rau, txhawb lawv kom lawv hla vam meej lug mus rau tsev kawm ntawv theem nrab. Raws li kev tau cai muaj qhov khoos kas International Baccalaureate Middle Years, Highland Middle yuav txhawb kom cov tub ntxhais kawm ntawv koom rau tej kev uas tab tom hloov thoob ntiat teb. Qhov kev mus plaub-hnub rau pem Washington D.C. thaum xyoo xaus yog ib qhov uas yuav pab kom cov tub ntxhais kawm ntawv pom kiag teb chaws Asmesliskas tej keeb kwm. Peb lub tsev kawm ntawv kuj yog txoj hau kev kawm mus ntxiv rau koog tsev kawm ntawv nov qhov khoos kas kawm lus Mev thiab lus Suav. Peb yuav rau siab txhawb kom muaj qhov chaw kawm ntawv zoo nrog tej cib fim thawj coj rau peb cov tub ntxhais kawm ntawv los ntawm cov khoos kas xws li National Junior Honor Society, Student Council, WEB, Dare 2 Be Real thiab lub koom haum Gender Sexualities Alliance Club uas peb cov tub ntxhais kawm ntawv yog cov coj.

Txoj hau kev kawm mus ntxiv: Highland Park Middle > Highland Park Senior				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiat Teb
F2 + Magnet Programs**	7:30 a.m. - 2 p.m.	•		Fab Kis, Suav, Mev

** Saib phab 43-45 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Humboldt High School (6-12)

30 E. Baker St. | spps.org/humboldt | 651-293-8600

Txij li kev kos duab thiab ua teb mus rau cam hlau thiab kawm kev koom txoos, tub ntxhais kawm ntawv xyiv fab hlo tuaj rau hauv peb lub tsev kawm ntawv thiab loj npab ntshuas kawm. Raws li uas yog koog tsev kawm ntawv tib lub tsev kawm ntawv kawm keeb txuj ib puag ncig (Environmental Science magnet) rau qib 6-12, Humboldt kawm tshwj xeeb rau qhov uas nqis tes ua thiab tawm mus kawm nraum zoov. Muaj tej hnub tej zaum cov tub ntxhais kawm ntawv cog qoob loo thiab npaj khoom noj los ntawm tej qoob loo lawv cog hauv peb lub vaj hos tej hnub sau computer program. Cov tub ntxhais kawm ntawv yuav muaj lub cib fim kawm npaj rau kev ua hauj lwm los ntawm peb qhov khoos kas Academy of Information Technology thiab Emergency Medical Responder, Certified Nursing Assistant thiab kev kawm cam hlau. Peb muaj ntau yam kawm tshaj li hauv chav mus xws li suab paj nruag, kis las, ua liaj teb rau yav tom ntej rau hauv Asmeslikas (Future Farmers of America (FFA), JROTC, txua neeg hlau, koom haum kawm leeb, thiab ntau yam ntxiv. Muaj khoos kas kawm ntawv zoo xws li AVID, Advanced Placement thiab College in the Schools rau hauv chav txhaub thiab txhawb peb cov neeg hluas txhua theem rau ntawm lawv txoj kev kawm ntawv.

Txoj hau kev kawm mus ntxiv: Humboldt > Humboldt				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiat Teb
D + Magnet Program**	7:30 a.m. - 2 p.m.		•	Fab Kis, Mev

** Saib phab 43-45 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Linwood Monroe Arts Plus - Dual Campus (PreK-8)

Lower (PreK-4): 1023 Osceola Ave; 651-293-6606 | Upper (5-8): 810 Palace Ave; 651-293-8690 | spps.org/lmap

Peb lub tsev kawm ntawv muaj kev kawm zoo rau qib Pre-K txog 8 nyob rau ob qhov chaw kawm ntawv. Peb cov tub ntxhais kawm ntawv nrog peb nyob ntev dua txij lawv thawj hoob mus txog ntua rau tsev kawm ntawv theem nrab, Linwood Monroe Arts Plus yog lub hauv paus rau txoj kev kawm kom muaj tswv yim thiab tshawb kawm txog txuj tsim ub no. Pib qib PreK-4 hauv lub Lower Campus mus, cov me nyuam yuav txaus siab rau qhov uas lawv yog ib tug uas nkag rau txoj kev kawm txuj tsim ub no thiab kawm tias txoj kev txawj tsim ub no yog peb qhov tshwj xeeb thiab muaj zog. Cov tub ntxhais kawm ntawv yuav mus kawm qib 5 rau lub Upper Campus kom lawv hloov tau yooj yim mus kawm qib 6 hauv peb tus khoos kas theem nrab. Nyob rau hauv tsev kawm ntawv theem nrab, cov tub ntxhais kawm ntawv yuav kawm npaj hom phiaj rau tus kheej, kev koom xeeb thiab kev kawm ntawv. Cov kev kawm mus ceev, xyaum ua thawj coj, kis las thiab cov khoos kas tom qab lawb ntawv yuav txhawb tau cov hluas rau thaum lawv txais dej num tshiab thiab kawm cov ntawv uas nyuaj zuj zus rau tom ntej. Peb cov khoos kas artist-in-residence yog cov khoos kas uas ntiav ntau hom kws txuj sab nraud tuaj qhia txuj rau peb cov tub ntxhais kawm ntawv hauv txhua qib; cov tub ntxhais kawm ntawv yuav kawm seev cev flamenco, ntaus nruas Taiko, hais paj huam thiab ntau yam ntxiv. Cov tub ntxhais kawm ntawv yuav kawm lawv cov txuj tsim ub no tshiab ntxiv mus thiab coj los qhia rau hnub Friday uas sawv daws tuaj ua ke, nov yog ib qho uas ib lim tiam muaj txoos ib zaug rau peb cov kws txuj hluas uas tsim ub no kom lawv sib raug zoo.

Txoj hau kev kawm mus ntxiv: Linwood Monroe > Creative Arts				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiat Teb
D, F1/F2	9:30 a.m. - 4 p.m.	•	•	Mev

Murray Middle (6-8)

2200 Buford Ave. | spps.org/murray | 651-293-8740

Murray yog ib qhov chaw zoo uas txhawb kom peb cov tub ntxhais kawm tau ntawv, sib raug zoo thiab loj hlob rau sab kev xav. Peb pab tsim cwj pwm rau txhua tus tub ntxhais kawm ntawv los ntawm peb cov kev kawm muaj nqis, kev pab ntawm cov niam txiv thiab zej zos kev koom tes. Peb muaj cov chav kawm sab nraum zoov thiab kev koom tes ntawm Wolf Ridge Environmental Learning Center, uas yog pab ib qhov kev kawm thawj coj txwm xyoo rau qib xya thiab yim los pab rau peb txoj kev kawm keeb txuj thiab ib puag ncig. Tsis tas li ntawd, peb kuj ua kom txoj kev kawm keev txuj lom zem thiab. Peb thiaj tsa muaj ib hnuv nthuav keeb txuj loj tshaj plaws nyob rau hauv Minixautas. Peb muaj cov kev kawm mus ceev uas kawm kom tau qhab nia rau hauv tsev kawm ntawv theem siab rau keeb txuj, geometry, lus Mev thiab Lus Fab Kis. Lwm yam kev kawm ntxiv muaj xws li ntaus suab paj nruas ua ke (band thiab orchestra) thiab kawm ua yeeb yam. Peb muaj tej yam ua ntsig txog txoj kev kawm xws li Model UN, History Day, geography bee, sib cav tswv yim thiab ntau yam ntxiv. Murray qhov khoos kas tom qab lawb ntawv yuav pab kom cov tub ntxhais kawm ntawv tshawb tau tej yam lawv nyiam kawm thiab txhawb lawv txoj kev txawj rau kev kawm ntawv, txuj tsim ub no, kis las thiab technology.

Txoj hau kev kawm mus ntxiv: Murray > Como Park				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiaj Teb
E	7:30 a.m. - 2 p.m.	•	•	Mev, Fab Kis

Open World Learning Community (6-12)

640 Humboldt Ave. | spps.org/open | 651-293-8670

Tsev Kawm Ntawv Open World Learning Community (OWL) yog ib lub tsev kawm ntawv me me uas yog ib feem ntawm lub teb chaws txoj kev sib txuas kawm mus kom ceev (Expeditionary Learning). Peb cov kev kawm yog npaj mus raws tus qauv Learning Expeditions – kawm kom cov tub ntxhais kawm ntawv txawj soj ntsuam tej yam tshwm sim hauv tsev kawm ntawv, zej zos thiab lub ntiaj teb. Txoj kev kawm kom pom lub niam tswv yim yuav pab kom peb txawj muab ntau yam los kawm ua ke. Yuav muab lub caij rau tub ntxhais kawm ntawv xav txog tej yam tseem ceeb, muab sij hawm rau lawv sim, thiab pub caij rau lawv kom lawv to taub tej uas lawv kawm. Peb lub “tsev kawm ntawv me me” thiab tsi ntees rau txoj kev sib raug zoo nrog lwm tus thiab kev xav ntawm lub siab uas ua rau cov tub ntxhais kawm ntawv kam nug txog tej yam kev lis kev cai uas tsim nyog paub thiab qhia txog kev sib mob siab thiab ua pej xeem zoo. Peb lub tsev uas zoo zoo nkauj nyob rau hauv Xees Phos sab Hnuv Poob yog npaj tshwj xeeb los txhawb txoj kev koom tes rau seem kev kawm raws tus qauv Expeditionary Learning.

Txoj hau kev kawm mus ntxiv: Open World > Open World				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiaj Teb
A-F1/F2	7:30 a.m. - 2 p.m.			Mev

Parkway Montessori and Community Middle School (6-8)

1363 Bush Ave. | spps.org/parkway | 651-744-1000

Lub tsev kawm ntawv no nyob rau hauv ib lub tuam tsev zoo nkauj thiab nws yog ib lub tsev kawm ntawv Montessori theem nrab ntawm ob peb lub hauv Minixautas. Cov tub ntxhais nyiam kawm ywj pheej, tshawb kawm, thiab to taub lub ntiaj teb puag ncig lawv. Yuav qhia kom txhua txhia tus tub ntxhais kawm ntawv paub lawv tus peev xwm, qhov yuav tsum tau kev pab, qhov nws nyiam thiab tus qauv kawm los ntawm Montessori lub tswv yim. Cov tub ntxhais kawm ntawv yuav xub tuaj pom lub vaj loj loj, uas ua rau lawv xav txog tej uas ntuj tsawb teb tsim, kawm txog keeb txuj khoom noj, thiab paub txog cov caij nyoog ntawm ib xyoos. Peb muaj cov chav qib loj thiab me kawm ua ke kom lawv rau siab thiab muaj lub siab kub lug kawm. Ntxiv rau cov cag txuj, Parkway muaj kawm hu nkauj, ntaus twj paj nruas, kos duab, kawm ntawv Mev thiab Fab Kis, siv computer pab tsim ub no, kawm siv lub cev kom noj qab nyob zoo, kawm kis las thiab lwm yam tom qab lawb ntawv xws li Extended Day for Learning (EDL). Peb zoo siab rau peb lub zej zos txoj kev koom tes uas tsis ntev dhau los no lawv tuaj kho nyom ntawm qhov rooj nkag, kho peb tej qab tsib taug thiab tsim ob chav kawm ntawv nraum zoov. Peb lub tsev kawm ntawv nyob rau ib qhov chaw tshwj xeeb, txuas nkaus rau lub tiaj Penny Park thiab ib koog hav zoov. Qhov nov yuav pub lub cib fim rau cov tub ntxhais kawm ntawv mus tshawb kawm txog tej yam uas nyob hauv hav zoov.

Txoj hau kev kawm mus ntxiv: Parkway > Your Community High School				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiaj Teb
A + Magnet Program**	7:30 a.m. - 2 p.m.	•		Fab Kis, Mev

** Saib phab 43-45 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Middle School Descriptions

Ramsey Middle (6-8)

1700 Summit Ave. | spps.org/ramsey | 651-293-8860

Nyob rau hauv Ramsey Middle School, peb lub hom phiaj yog pab kom cov tub ntxhais kawm ntawv xam pom txog lub ntiaj teb. Los ntawm peb qhov khoos kas International Baccalaureate (IB) Middle Years Programme (MYP), peb xam txog tej tseem ceeb uas qhia kom cov tub ntxhais kawm ntawv txawj nug thiab xav txog tej yam tob ntsig txog hauv tsev kawm ntawv thiab lub ntiaj teb. Txhua yam kev kawm hauv Ramsey yog kawm raws tus khoos kas IB thiab coj cov tub ntxhais kawm ntawv kawm tej zaj uas tseem ceeb rau lub neej rau tub ntxhais kawm ntawv. Peb yog lub tsev kawm ntawv theem nrab uas muaj kawm qhov khoos kas French Immersion txuas zias ua txoj hau kev rau cov tub ntxhais kawm ntawv uas los hauv L'etoile du Nord los. Peb muaj lwm yam kev kawm txhawb ntxiv rau cov cag txuj xws li khoos kas AVID, ntaus twj paj nruas ua ke, orchestra thiab tsim tej yam zoo nkauj rau tib neeg saib. Cov tub ntxhais kawm ntawv yuav koom kev kawm thawj coj los ntawm WEB (Where Everybody Belong), National Junior Society, Student Council, Dare 2 Be Real, thiab Genius Squad. Cov tub ntxhais kawm ntawv los kuj yuav tsim qhov yeeb yam "The Ramsey Show" uas ib lim tiam tso tawm ib zaug thiab. Peb yuav txhawb kom peb cov me nyuam hluas paub tias lawv muaj chaw rau hauv zej zos thiab nqis tes pab.

Txoj hau kev kawm mus ntxiv: Ramsey > Central				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiaj Teb
F1 + Magnet Programs**	7:30 a.m. - 2 p.m.	•		Fab Kis, Mev

** Saib phab 43-45 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.

Washington Technology (6-12)

1495 Rice St. | spps.org/washington | 651-293-8830

Txhua txhua xyoo, peb cov tub ntxhais kawm ntawv tau txais tshaj li ntawm 1,400 tus qhab nia rau tsev kawm ntawv qib siab, thiab pib qib 6 mus cov tub ntxhais kawm ntawv yeej tau txais kev npaj mus kawm qib siab lawm. Raws li yog ib lub tsev kawm ntawv technology magnet, Washington yuav pab kom cov tub ntxhais kawm ntawv npaj txhij rau tej hauj lwm zoo zoo yav tom ntej. Cov tub ntxhais kawm ntawv yuav siv cov technology xws li iPads, 12 chav koos phis tawj, daim txiag qhia ntawv dawb, cov koob tsoom tej yam me me thiab txua neeg hlau. Txhua tus tub ntxhais kawm ntawv qib 6 txog 12 yuav muaj caij sib raug zoo nrog xib hwb ntev, uas yuav ua rau lawv yooj yim hloov hauv theem nrab mus rau theem siab. Peb qhov khoos kas kawm ntawv ntxiv tom qab lawb ntawv yog qhov uas loj tshaj plaws nyob rau lub xeev no, txhua tus tub ntxhais kawm ntawv hauv Washington yuav tau txais li ib teev los kawm ntawv los sis kawm kev pab ntxiv, xws li kawm ntawv ntiaj teb, sib tw kis las thiab kawm koos phis tawj txhua hnuv. Cov tub ntxhais ua tej pab pawg kawm nyob rau cov chav hauv tsev kawm ntawv uas hu ua "house." Washington los kuj yog ib lub tsev kawm ntawv BioSMART thiab. BioSMART txhais tau tias kev kawm keeb txuj txog txoj sia, leeb, kev kawm cov ntawv nyuaj thiab technology. BioSMART muaj kawm txuj txog txoj sia thiab tshuaj los sis kev tsim txua. Cov tub ntxhais kawm ntawv xaiv tau ib yam ntawm ob yam no los kawm txuas mus ntxiv.

Txoj hau kev kawm mus ntxiv: Washington > Washington				
Rau Cheeb Tsam No	Sij Hawm Pib / Sij Hawm Xaus	Khoos Kas Flipside	Khoos Kas Kawm Lus Askiv	Ntawv Txum Tim/Ntiaj Teb
C + Magnet Programs**	7:30 a.m. - 3 p.m.	•	•	Fab Kis, Hmoob, Suav, Mev

** Saib phab 43-45 rau cov tsev kawm ntawv uas txais ob peb cheeb tsam ua ke thiab cov uas txais thoob plaws nroog.